

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 14 MAC 2016, PUKUL 10.00 PAGI

Bil. 5

PERTANYAAN-PERTANYAAN BAGI JAWAB LISAN

1. PR-1341-L72043
Dato' Noraini binti Ahmad [Parit Sulong] minta **MENTERI SUMBER ASLI DAN ALAM SEKITAR** menyatakan kesesuaian Dasar Kepelbagaian Biologi 1998 dalam memacu usaha konservasi biodiversiti negara.
2. PR-1341-L73172
Tuan Lim Guan Eng [Bagan] minta **PERDANA MENTERI** menyatakan senarai status aset dan liabiliti terkini institusi-institusi kewangan GLC ekoran pendedahan Bank Negara bahawa Tabung Haji tidak mempunyai aset yang mencukupi berbanding tanggungan liabiliti. Adakah Kerajaan akan mengadakan audit awam terhadap Tabung Haji, jika tidak, kenapa.
3. PR-1341-L72697
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI PERTANIAN DAN INDUSTRI ASAS TANI** menyatakan berapakah jumlah import barangan seperti ayam, beras dan daging negara ketika ini dan apakah perancangan jangka masa pendek dan panjang mengenai usaha Kementerian untuk mengurangkan import bahan makanan sepertimana yang diperkatakan sebelum ini.
4. PR-1341-L73233
Tuan Ahmad Marzuk bin Shaary [Bachok] minta **MENTERI LUAR NEGERI** menyatakan apakah tindakan Kementerian dalam menzahirkan kebersamaan rakyat Palestin yang disaksikan semakin dizalimi oleh kuasa rakus Yahudi Zionis yang menembak orang-orang awam, wanita dan kanak-kanak Palestin. Apakah Kerajaan tidak bercadang untuk menjadikan sidang Parlimen kali ini mengusulkan usul khas mengutuk perbuatan Yahudi Zionis.
5. PR-1341-L72332
Datuk Noor Ehsanuddin bin Mohd Harun Narrashid [Kota Tinggi] minta **MENTERI WILAYAH PERSEKUTUAN** menyatakan apakah langkah-langkah Kementerian untuk memperkasakan identiti Putrajaya sebagai Pusat Pentadbiran Persekutuan.

6. PR-1341-L72118
Dr. Ko Chung Sen [Kampar] minta **MENTERI KEWANGAN** menyatakan :-
 - (a) jumlah cukai langsung yang dipungut pada tahun 2015 dan dijangka pada tahun 2016, dan jumlah denda yang dipungut daripada audit cukai dan penyiasatan bagi 5 tahun yang lalu; dan
 - (b) jumlah denda dijangka untuk tahun 2016, dan mengapa LHDN menasaskan doktor dan peguam untuk audit cukai tetapi bukan ahli politik.
7. PR-1341-L72253
Dato' Hasbullah bin Osman [Gerik] minta **PERDANA MENTERI** menyatakan adakah pihak Kementerian bercadang untuk menambah baik sistem pengangkutan awam darat yang lebih efisien terutamanya di kawasan luar bandar bagi membantu rakyat yang kurang kemampuan serta tidak memiliki kenderaan sendiri.
8. PR-1341-L73032
Tuan Loke Siew Fook [Seremban] minta **PERDANA MENTERI** menyatakan apakah justifikasi untuk Agensi Penguatkuasaan Maritim Malaysia (APMM) memerlukan 4,199 bilangan jawatan untuk "Pengurusan" yang melibatkan emolument sebanyak RM231,268,700 bagi tahun 2016.
9. PR-1341-L73512
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan apakah langkah yang dijalankan oleh Kementerian untuk memperluaskan pasaran tempatan terhadap kenderaan "*energy efficient vehicle*" atau EEV dan Hybrid di Malaysia memandangkan permintaan terhadap kenderaan mesra alam sekitar masih lagi berkurangan.
10. PR-1341-L72557
Puan Alice Lau Kiong Yieng [Lanang] minta **MENTERI KESIHATAN** menyatakan :-
 - (a) jumlah serbuan atau tindakan yang telah diambil untuk mengatasi masalah di mana pusat akademi kecantikan atau *beauty academy* mengadakan kursus untuk mengajar orang ramai (yang tidak mempunyai pengetahuan dalam perubatan) memberi suntikan botox, dermal filler, vitamin C dan sebagainya; dan
 - (b) berapa kes yang ditangkap di Sibu dan apakah rancangan untuk menangani masalah tersebut.
11. PR-1341-L73131
Datuk Liang Teck Meng [Simpang Renggam] minta **MENTERI PENDIDIKAN TINGGI** menyatakan apakah terdapat sebarang langkah oleh Kerajaan untuk jadikan Johor sebagai hab pendidikan tinggi yang secara tidak langsung dapat menarik lebih ramai pelajar tempatan dan antarabangsa ke negeri Johor.

12. PR-1341-L73310
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan mengenai status terkini bazaria Danau Kota kerana terdapat kawasan pembinaan di tempat tersebut yang tidak sesuai untuk dikunjungi orang awam.
13. PR-1341-L73427
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan :-
- (a) langkah menggalakkan produk dan permintaan patuh syariah diperkembangkan oleh institusi-institusi perbankan tempatan dan antarabangsa; dan
 - (b) apakah usaha mengurangkan perbezaan kos antara konsep konvensional dan patuh syariah agar prospek ekonomi berteraskan Islam terus mengukuh dan Malaysia mampu menjadi hub ekonomi Islam serantau.
14. PR-1341-L71814
Tuan Fong Kui Lun [Bukit Bintang] minta **MENTERI PERDAGANGAN ANTARABANGSA DAN INDUSTRI** menyatakan kedudukan pelaburan asing di negara ini berikutan kejatuhan nilai ringgit yang turut menjejaskan ekonomi negara.
15. PR-1341-L73213
Datuk Rozman bin Isli [Labuan] minta **MENTERI PENDIDIKAN TINGGI** menyatakan apakah langkah-langkah yang akan diambil untuk menyokong dan realisasikan hasrat Perdana Menteri untuk menjadikan Labuan pusat kecemerlangan pendidikan dengan mengadakan kampus-kampus cawangan IPTA dan IPTS di Labuan seperti yang beliau sarankan dalam lawatan baru-baru ini.
16. PR-1341-L73407
Tuan Haji Khalid bin Abdul Samad [Shah Alam] minta **MENTERI KESIHATAN** menyatakan :-
- (a) adakah pihak Kementerian bercadang untuk mengiktiraf internship setahun yang telah dijalani oleh pelajar perubatan kita di India; dan
 - (b) sekiranya tidak, nyatakan sebab-sebabnya.
17. PR-1341-L72065
Dato' Haji Mohd Fasih bin Haji Mohd Fakeh [Sabak Bernam] minta **MENTERI KEWANGAN** menyatakan setakat manakah kesan pengubahsuaian Bajet 2016 susulan penurunan harga minyak ke atas Keluaran Dalam Negara Kasar (KDNK), pengukuran fiskal dan kadar hutang Negara serta mampu meningkatkan penjana ekonomi domestik dan eksport serta memastikan kesejahteraan rakyat dan penyampaian perkhidmatan sektor awam tidak terjejas.

18. PR-1341-L72101
Tuan Zairil Khir Johari [Bukit Bendera] minta **PERDANA MENTERI** menyatakan sama ada Kerajaan merancang untuk menyelaraskan skala gaji pegawai bomba dengan pegawai polis, memandangkan pasukan bomba kerap didedahkan kepada risiko tinggi dalam pelaksanaan tugas dan tanggungjawab mereka.
19. PR-1341-L73448
Tuan Haji Ahmad Nazlan bin Idris [Jerantut] minta **PERDANA MENTERI** menyatakan adakah pembekuan pengambilan kakitangan awam masih diteruskan. Berapakah peratusan calon yang lulus dan dilantik oleh Suruhanjaya Perkhidmatan Awam daripada jumlah bilangan calon yang hadir temuduga berdasarkan kaum pada tahun 2015.
20. PR-1341-L72307
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan adakah wujud dalam perancangan kementerian untuk menjadikan subjek Pendidikan Islam dan moral sebagai subjek wajib di peringkat sekolah rendah dan menengah sebagai satu penyelesaian kepada masalah sosial yang begitu tinggi dalam kalangan remaja.
21. PR-1341-L71787
Datuk Haji Datu Nasrun bin Datu Mansur [Silam] minta **MENTERI PERDAGANGAN ANTARABANGSA DAN INDUSTRI** menyatakan apakah komitmen Malaysia dalam menyertai Perkongsian Ekonomi menyeluruh Serantau (RCEP), memandangkan gabungan pengeluaran RCEP menyumbang 29.3% daripada pengeluaran dunia.
22. PR-1341-L72020
Tuan Hee Loy Sian [Petaling Jaya Selatan] minta **PERDANA MENTERI** menyatakan masa depan pelajar-pelajar yang telah berjaya mendapat tempat di luar negara tetapi gagal kerana tindakan pembekuan biasiswa oleh JPA.
23. PR-1341-L72382
Datuk Juslie bin Ajirol [Libaran] minta **MENTERI KOMUNIKASI DAN MULTIMEDIA** menyatakan status menara-menara komunikasi di bawah Projek Peluasan Liputan Selular yang dikatakan masih dalam peringkat pelaksanaan di negeri Sabah.
24. PR-1341-L73180
Tuan Wong Tien Fatt @ Wong Nyuk Foh [Sandakan] minta **MENTERI TENAGA, TEKNOLOGI HIJAU DAN AIR** menyatakan adakah tarif elektrik SESB akan menurun dan disemak semula ekoran harga minyak antarabangsa jatuh. Ini kerana tarif SESB telah naik apabila harga minyak antarabangsa naik.
25. PR-1341-L73266
Dato Sri Dr. Muhammad Leo Michael Toyad Abdullah [Mukah] minta **MENTERI PENGANGKUTAN** menyatakan bilakah Lapangan Baru Mukah akan disiapkan.

26. PR-1341-L73390
Dato' Fauzi bin Abdul Rahman [Indera Mahkota] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) sama ada sebab-sebab kenaikan kos barangan asas yang naik mendadak hingga membebankan rakyat dikaji secara terperinci dan adakah Kerajaan merangka sesuatu strategi bagi meringankan beban rakyat ini; dan
 - (b) apakah strategi Kerajaan untuk meredakan kenaikan kos barangan makanan asas, perumahan dan lain-lain seperti pengangkutan awam, utiliti dan lain-lain.
27. PR-1341-L71637
Datuk Seri Panglima Haji Abdul Ghapur bin Haji Salleh [Kalabakan] minta **MENTERI PENDIDIKAN** menyatakan :-
- (a) apakah Kementerian maklum bahawa hampir pada setiap sekolah-sekolah berasrama penuh di kawasan Kalabakan sedang menghadapi masalah kelengkapan asrama seperti bantal, tilam dan sebagainya. Jika adapun sudah sangat usang; dan
 - (b) jika maklum, apakah tindakan Kementerian untuk menyelesaikan masalah ini.
28. PR-1341-L71653
Dr. Noor Azmi bin Ghazali [Bagan Serai] minta **MENTERI DALAM NEGERI** menyatakan apakah pelan Kerajaan untuk memastikan sumber kewangan yang ada digunakan untuk intervensi yang dibuktikan berkesan dalam jurnal saintifik berbanding dengan intervensi tahanan 2 tahun yang sudah berdekad dibiayai Kerajaan dan telah jelas tidak berkesan kerana selama 1 tahun AADK telah kembali ke sistem tahanan mandatori di pusat pemilihan dadah dan menurut 1 kajian, relaps adalah 70% ke 90% bagi tahanan mandatori berbanding rawatan sukarela.
29. PR-1341-L71857
Tuan Khoo Soo Seang [Tebrau] minta **MENTERI DALAM NEGERI** menyatakan apakah tindakan segera yang diambil oleh Kementerian secara usahasama dengan pihak berkuasa negara-negara serantau bagi membanteras keganasan ISIS di negara ini.
30. PR-1341-L73192
Dato' Seri Abdul Hadi bin Awang [Marang] minta **MENTERI DALAM NEGERI** menyatakan apakah pelan tindakan Kerajaan Malaysia secara keseluruhan untuk mengurus kedatangan pelarian Syria di Malaysia demi menjamin kestabilan politik, ekonomi dan sosial masyarakat.

31. PR-1341-L72021
Puan Hajah Fuziah binti Salleh [Kuantan] minta **MENTERI SUMBER ASLI DAN ALAM SEKITAR** menyatakan :-
- (a) sama ada telah ada satu garis panduan holistik untuk perlombongan bauksit secara lestari tanpa meninggalkan pencemaran ke atas alam sekitar yang telah disediakan oleh pihak Kementerian; dan
 - (b) apakah perancangan pihak Kementerian sekiranya objektif Fasa 1, Fasa 2 dan Fasa 3 dalam moratorium gagal dicapai.
32. PR-1341-L73535
Dato' Seri Mohamed Azmin bin Ali [Gombak] minta **MENTERI KEWANGAN** menyatakan apakah sektor-sektor utama dalam negara yang terjejas akibat kejatuhan nilai ringgit serta langkah menanganinya.
33. PR-1341-L72119
Dr. Ko Chung Sen [Kampar] minta **PERDANA MENTERI** menyatakan selain daripada gaji dan keistimewaan yang diterimanya sebagai Ahli Parlimen dan Perdana Menteri, sama ada :-
- (a) beliau mempunyai apa-apa pendapatan lain daripada syarikat-syarikat; dan
 - (b) beliau menikmati sebarang faedah dalam bentuk kad kredit korporat, dan adakah pendapatan dan faedah dari luar ini telah diisytiharkan kepada LHDN.
34. PR-1341-L72787
Tuan R. Sivarasa [Subang] minta **MENTERI SUMBER MANUSIA** menyatakan sama ada Kerajaan boleh mengesahkan semua 1.5 juta pekerja-pekerja asing dari Bangladesh yang dicadang akan masuk tempoh Julai 2016 hingga 2018 telah disahkan penempatan pekerjaan (*job placement*) dan apakah asas jumlah 1.5 juta pekerja asing ini dibawa masuk ke Malaysia.
35. PR-1341-L72351
Dr. Hajah Siti Mariah binti Mahmud [Kota Raja] minta **MENTERI DALAM NEGERI** menyatakan jumlah pekerja asing mengikut kategori dalam negara kita yang telah diluluskan oleh KDN dan apakah perancangan jangka masa panjang Kerajaan untuk menangani banjir pekerja asing terutamanya PATI.
36. PR-1341-L72768
Tuan Julian Tan Kok Ping [Stampin] minta **MENTERI LUAR NEGERI** menyatakan secara terperinci langkah yang telah diambil oleh Kerajaan dalam kemungkinan wujudnya ketegangan yang bakal wujud di sekitar perairan laut China Selatan sekitar perairan pantai Sarawak dengan Negara China. Pandangan Kerajaan dalam pembinaan landasan kapal terbang oleh Negara China sepanjang 10,000 kaki di Fiery Cross Island• Pulau buatan oleh Negara China.

37. PR-1341-L72218
Tuan Wan Hasan bin Mohd Ramli [Dungun] minta **MENTERI PERTANIAN DAN INDUSTRI ASAS TANI** menyatakan langkah-langkah konkrit bagi melindungi nelayan pantai daripada pencerobohan bot-bot besar pukat tunda di perairan Terengganu.
38. PR-1341-L72864
Tuan Sim Tze Tzin [Bayan Baru] minta **MENTERI DALAM NEGERI** menyatakan berapakah pekerja Bangladesh berjaya mendapat Pas Pekerja (*Employment Pass*) yang diluluskan oleh Kementerian Dalam Negeri pada tahun 2015. Nyatakan jumlah mengikut sektor.
39. PR-1341-L73453
Tuan Wong Ling Biu [Sarikei] minta **MENTERI PENDIDIKAN** menyatakan sama ada Kerajaan Pusat mempunyai sebarang niat untuk memberikan hak autonomi dalam bidang pendidikan kepada negeri Sarawak. Adakah sekolah-sekolah yang beraliran Bahasa Inggeris ditubuhkan lagi di negeri Sarawak.
40. PR-1341-L71973
Puan Teresa Kok Suh Sim [Seputeh] minta **MENTERI DALAM NEGERI** menyatakan bilangan kompaun trafik yang dikeluarkan oleh polis sejak tahun 2010 dan bilangan kompaun yang masih belum dibayar oleh pemandu kereta. Apakah peningkatan kompaun trafik dapat mencegah peningkatan kemalangan jalanraya.
41. PR-1341-L72375
Tuan Tony Pua Kiam Wee [Petaling Jaya Utara] minta **PERDANA MENTERI** menyatakan sama ada kelulusan atau perjanjian konsesi Lebuhraya Serdang-Kinrara-Putrajaya (SKIP) telah dimuktamadkan dan tarikh berkaitan. Apakah terma-terma utama konsesi ini termasuk nilai dan tempoh, dan apakah kelayakan dan kepakaran pihak pemegang konsesi.
42. PR-1341-L72959
Tuan Nga Kor Ming [Taiping] minta **PERDANA MENTERI** menyatakan berapakah jumlah kos lawatan luar negara yang ditanggung oleh Kerajaan pada tahun 2015 dan 2016 sehingga kini dan tempat yang pernah dilawati.
43. PR-1341-L71690
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan apakah pendirian Kerajaan berhubung saman veteran ATM Kapten Tengku Zainal Abidin Bin Tengku Zain mengenai dakwaan Kerajaan menafikan hak 404 orang pegawai tentera yang menyebabkan gaji mereka diturunkan hingga 30% selama 23 tahun ditukarkan kepada skim gaji Laporan Tan Sri Abdullah Ayob mulai tahun 1970.
44. PR-1341-L72614
Puan Kasthuriraani a/p Patto [Batu Kawan] minta **MENTERI KESIHATAN** menyatakan bilangan pesakit buah pinggang mengikut pecahan negeri serta kaum dari tahun 2005 sehingga kini dan semua bentuk insentif dan bantuan serta usaha-usaha Kerajaan untuk meringankan beban pesakit buah pinggang ini.

45. PR-1341-L73554
Tuan Charles Anthony Santiago [Klang] minta **MENTERI SUMBER ASLI DAN ALAM SEKITAR** menyatakan komitmen Kerajaan untuk memerangi perubahan iklim. Pada persidangan UNFCCC, Perdana Menteri telah mengumumkan bahawa Kerajaan berjanji untuk mengurangkan kadar pelepasan gas rumah kaca sebanyak 40%. Adakah sasaran ini tambahan kepada usaha Malaysia antara tahun 2009-2020 ataupun sehingga tahun 2030.
46. PR-1341-L73488
Dato' Kamarudin bin Jaffar [Tumpat] minta **PERDANA MENTERI** menyatakan apakah pembaharuan-pembaharuan dan penambahbaikan di dalam perjalanan Dewan Rakyat yang akan diperkenalkan bermula tahun ini.
47. PR-1341-L72406
Tuan Liew Chin Tong [Kluang] minta **PERDANA MENTERI** menyatakan hasil kajian awal projek High Speed Railway dari KL hingga Singapura:-
- (a) jangkaan "*ridership*" setiap hari dan kos operasi setiap kilometer; dan
 - (b) jangkaan kos pembinaan, ambil alih tanah, pembelian tren dan jangkaan harga tiket.
48. PR-1341-L72292
Dato' Takiyuddin bin Hassan [Kota Bharu] minta **PERDANA MENTERI** menyatakan perkembangan terkini projek naik taraf Parlimen Malaysia yang bernilai RM 520 Juta yang sudah lewat daripada jadual ia sepatutnya siap.
49. PR-1341-L73330
Tuan Wong Chen [Kelana Jaya] minta **PERDANA MENTERI** menyatakan jumlah perbelanjaan protokol yang telah ditanggung pada tahun 2015 memandangkan beliau telah mengumumkan niat untuk mengurangkan perbelanjaan protokol semasa lawatan-lawatan rasmi Perdana Menteri dan Ahli Kabinet.
50. PR-1341-L72117
Dr. Ko Chung Sen [Kampar] minta **MENTERI KEWANGAN** menyatakan :-
- (a) pencapaian 1MDB setakat ini untuk memacu Malaysia ke arah 2020 sejak ia ditubuhkan pada 2009; dan
 - (b) sama ada Perdana Menteri meluluskan semua keputusan dan transaksi penting yang telah dibuat, dan sama ada 1MDB akan dibubarkan dalam tempoh beberapa tahun akan datang sebelum tahun 2020.
51. PR-1341-L73380
Dr. Tan Seng Giaw [Kepong] minta **MENTERI DALAM NEGERI** menyatakan unjuran bilangan PADI dan PATI. Apakah rancangan atau langkah untuk mengatasi pelbagai masalah kerana pekerja asing.

52. PR-1341-L72210
Tuan Haji Nasrudin bin Hassan [Temerloh] minta **MENTERI DALAM NEGERI** menyatakan keadaan terkini pelarian-pelarian Syria yang telah tiba di Malaysia sejak bulan Disember 2015.
53. PR-1341-L73572
Tuan Er Teck Hwa [Bakri] minta **MENTERI PERTANIAN DAN INDUSTRI ASAS TANI** menyatakan lokasi pasar tani yang sudah beroperasi, akan beroperasi dan telah ditutup dalam tempoh masa daripada 2011 hingga 2016.
54. PR-1341-L73158
Tuan Ahmad Baihaki bin Atiqullah [Kubang Kerian] minta **MENTERI DALAM NEGERI** menyatakan dengan banjir pendatang asing ke Malaysia, berapakah jumlah kadar jenayah yang telah disumbangkan oleh mereka dalam 5 tahun terakhir ini.
55. PR-1341-L73371
Dato' Dr. Nik Mazlan bin Nik Mohamad [Pasir Puteh] minta **MENTERI KESIHATAN** menyatakan apakah langkah-langkah yang diambil bagi mengatasi masalah berlakunya kesesakan pesakit di hospital yang disebabkan kekurangan bilangan katil mengikut kadar pesakit di hospital yang tidak seimbang.
56. PR-1341-L72480
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan adakah pihak Kementerian bercadang untuk membuat kajian semula keperluan pekerja asing dibawa masuk ke Malaysia bagi menjalankan kerja-kerja 3D (Dirty, Difficult, Dangerous) sedangkan jika dilihat masih ramai lagi pekerja asing di Malaysia yang menjalankan kerja-kerja seperti berniaga, pelayan hotel, pengawal keselamatan dan sebagainya.
57. PR-1341-L72068
Tuan Tan Kok Wai [Cheras] minta **PERDANA MENTERI** menyatakan langkah-langkah yang diambil untuk menyusun semula SPRM memandangkan masalah rasuah semakin meningkat dan kedudukan pada indeks persepsi rasuah semakin buruk.
58. PR-1341-L73581
Tuan Oscar Ling Chai Yew [Sibü] minta **MENTERI LUAR NEGERI** menyatakan berapakah kes kapal tentera laut (*military*) China yang memasuki kawasan perairan Malaysia. Apakah tindakan yang akan diambil oleh Kerajaan terhadap kapal tentera laut (*military*) China yang memasuki kawasan perairan Sarawak yang berhampiran Miri kebelakangan ini.
59. PR-1341-L72888
Tuan Lim Lip Eng [Segambut] minta **MENTERI DALAM NEGERI** menyatakan sama ada PDRM telah menyiasat dakwaan bekas komando polis Sirul Azhar Umar berkaitan lima nama individu yang cuba merasuah dan memujuk beliau mengaitkan Perdana Menteri dalam kes pembunuhan Altantuya Shaariibuu dan status terkini ekstradisi Sirul pulang ke Malaysia.

60. PR-1341-L72651
Tuan Gobind Singh Deo [Puchong] minta **PERDANA MENTERI** menyatakan skim gaji anggota polis (mengikut pangkat) dan menyatakan sama ada Kerajaan sedia membuat semakan skim gaji tersebut dan juga menyatakan bila semakan terakhir dibuat.
61. PR-1341-L71894
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah segera diambil terhadap pindaan Akta Perhubungan Perusahaan 1967.
62. PR-1341-L71711
Dato' Haji Abdul Rahman bin Haji Mohamad [Lipis] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah Kementerian berhasrat untuk menambah bilangan penguatkuasa atau menurunkan kuasa kepada mana-mana agensi pusat yang lain mahupun di bawah PBT bagi memantau harga barangan di kawasan setempat.
63. PR-1341-L73629
Datuk Abd Rahim bin Bakri [Kudat] minta **PERDANA MENTERI** menyatakan apakah langkah-langkah yang telah diambil di dalam membendung gejala kebocoran maklumat/dokumen sulit Kerajaan kepada orang awam dan dikongsi di media sosial sejak kebelakangan ini.
64. PR-1341-L71624
Dato' Haji Mohd Zaim bin Abu Hasan [Parit] minta **MENTERI LUAR NEGERI** menyatakan apakah kepastian dan langkah tindakan yang diambil oleh Malaysia bagi menghalang Negara China menduduki pulau atau terumbu dalam kawasan Zon Ekonomi Eksklusif (EEZ) Malaysia seperti mana yang dilakukan mereka terhadap Scarborough Shoal dan Kepulauan Spratly.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Tuan Haji Ahmad Lai bin Bujang [Sibuti] dan masalah dicadangkan :-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Keempat, Parlimen Yang Ketiga Belas.”

Menyambung semula Perbahasan atas masalah (10 Mac, 2016)

- | | | | |
|----|----------------|--|-------------------------------|
| 2. | (D.R. 36/2015) | Rang Undang-undang Keselamatan Sosial Pekerja (Pindaan) 2015 | Bacaan Kali Yang Kedua |
| | | [Menteri Sumber Manusia] | |
| 3. | (D.R. 30/2015) | Rang Undang-undang Syarikat 2015 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 4. | (D.R. 29/2015) | Rang Undang-undang Skim Kepentingan 2015. | “ |
| | | [Menteri Perdagangan Dalam Negeri, Koperasi dan Kepenggunaan] | |
| 5. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. | “ |
| | | [Menteri Dalam Negeri] | |
| 6. | (D.R. 37/2015) | Rang Undang-undang Profesion Undang-undang (Pindaan) 2015 | “ |
| | | [Menteri di Jabatan Perdana Menteri] | |

7. (D.R. 39/2015) Rang Undang-undang Kanak-Kanak “
(Pindaan) 2015

**[Menteri Pembangunan Wanita,
Keluarga dan Masyarakat]**
8. (D.R.9/2015) Rang Undang-undang Kanun Tatacara “
Jenayah (Pindaan) 2015

[Menteri di Jabatan Perdana Menteri]
9. (D.R.12/2015) Rang Undang-undang Keterangan “
(Pindaan) 2015

[Menteri di Jabatan Perdana Menteri]
10. (D.R.35/2015) Rang Undang-undang Persaingan “
(Pindaan) 2015

**[Menteri Perdagangan Dalam Negeri,
Koperasi dan Kepenggunaan]**

11. PR-1341-U72985
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur terutama sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk keselesaan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahwa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia."

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu dketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]